

Treoirlíne Airgeadais P09 – 2022/2023

1. Réamhrá

Mholfaimis do ghach scoil atá fós ag baint úsáid as seiceanna chun pá agus billí a íoc tosnú ag bain úsáid as baincéireacht leictreonach nó idirlínn chomh luath agus is féidir. Faoin bPlean Náisiúnta Íocaíochtaí, spreagtar comhlachtaí san earnáil phoiblí bogadh i dtrea baincéireacht leictreonach.

Áirítear ar na buntáistí a bhaineann le baincéireacht leictreonach

- Is féidir pá agus billí a íoc níos tapúla agus ceadú a dheanamh go cianda
- Níos saoire agus níos eacnamaí ná seiceanna a úsáid
- Rochtain ar ráitis bhainc agus níos lú ama caite ar réitigh bainc
- Iarmhéideanna bainc fíor-ama ag am ar bith a mbíonn faisnéis níos ábhartha mar thoradh air.

Sonraítear an méid seo a leanas i mír 17.7 (b) den Lámhleabhar Rialachais do Bhunscoileanna 2019 – 2023:

“Is gá don Bhord a bheith sásta go bhfuil rialuithe inmheánacha cuí i bhfeidhm le haghaidh gach idirbheart airgeadais. Cinnteoidh an Bord go bhfuil rialuithe cuí i bhfeidhm i ndáil le húsáid aon chárta creidmheasa, baincéireacht ar líne srl. Áireofar orthu sin prótacail agus nósanna imeachta cuí maidir le húsáideoir(i) a cheadú, cúram an chárta lena mbaineann, údarú íocaíochtaí, teorainneacha comhaontaithe le híocaíochtaí agus soláthar doiciméad agus taifead tacaíochta. Ní úsáidfí an Bord cártaí dochair le haghaidh caiteachas scoile.”

2. Lean na céimeanna thíos chun aistriú chuig an ríomhbhaincéireacht a úsáid le haghaidh íocaíochtaí:

- Ní mór cead a fháil ón mBord Bainistíochta ar dtús chun an ríomhbhaincéireacht a úsáid sa scoil. Ba cheart an cead sin a chuimsiú agus a fhaomhadh i miontuairiscí chruinniú an bhoird
- Bíonn íocaíochtaí leictreonacha faoi réir na rialacha céanna is a bhíonn íocaíochtaí le seic agus, ar an ábhar sin, ní mór do bheirt de na sínitheoirí atá ainmnithe ag an mBord na híocaíochtaí a fhaomhadh. **Ní mór don Chisteoir** a bheith mar dhuine de na sínitheoirí do gach idirbheart. Is féidir leis an gCathaoirleach ball eile den bhord a ainmniú mar shínitheoir mura bhfuil an Cisteoir i láthair
- De réir an dea-chleachtas airgeadais, ba cheart go mbeadh na dualgais roinnte go soiléir. An duine a réitíonn an íocaíocht, níor cheart dó/di a bheith ar na daoine a dhéanann an íocaíocht a fhaomhadh

- Ba cheart rochtain ar fhaomhadh íocaíochtaí leictreonacha a chosaint le pasfhocal/UAP. Níl cead ag an gceadaitheoir/sínitheoir na sonraí logála isteach/UAP a chomhroinnt le húsáideoirí eile
- Aon fhaisnéis bhreise a chuirtear leis na híocaithe nó aon leasú a dhéantar orthu, ní mór do na sínitheoirí údaraithe é sin a fhaomhadh
- Faoin mbord atá sé a chinntiú go bhfuil an banc ar an eolas i dtaobh na rialuithe seo agus go gcloíonn an córas ríomhbhaincéireachta atá i bhfeidhm, leis na rialuithe sin go hiomlán
- Tá FSSU tar éis Treoirlíne Airgeadais ar leith a eisiúint faoi úsáid chúí cártaí creidmheasa. [Nasc leis an Treoirlíne.](#)

3. Ag dul i dteagmháil le banc do scoile

Na baill bhoird atá faofa ag an mbord chun seiceanna a shíniú, ní mór dóibh sin íocaíochtaí leictreonacha a fhaomhadh freisin. Tá sé tábhachtach é sin a shonrú go soiléir leis an mbanc agus íocaíochtaí leictreonacha ón gcuntas bainc á gcur ar bun. Nuair a bheidh an scoil ag dul i dteagmháil leis an mbanc, beidh orthu a huimhir chuntais, a huimhir ghutháin srl. a sholáthar.

I gcás scoileanna a bhfuil cuntas acu le AIB, ba cheart do gach scoil teagmháil a dhéanamh lena Bainisteoir Caidrimh ag leibhéal an bhrairse áitiúil. Is féidir leis an mBainisteoir Caidrimh cabhrú leo clárú don ríomhbhaincéireacht agus le haon fhadhbanna eile a d'fhéadfadh a bheith acu.

I gcás scoileanna a bhfuil cuntas acu le Banc na hÉireann, is í an tSeirbhís Baincéireacht Ar Líne a dhéileálann le scoileanna má tá cabhair ag teastáil Is é a n-uimhir ná 1850 264265 agus is é a ríomhphost ná electronic.banking@boi.com

I gcás scoileanna a bhfuil cuntas acu le Permanent TSB ba chóir do gach scoil teagmháil a dhéanamh lena brainse áitiúil ná leis an bhFoireann Baincéireacht Gnó ar 1890 500 177 nó 01 215 1363.

Má bhíonn tuilleadh eolais uait, cuir r-phost chuig primary@fssu.ie
nó cuir glaoch ar (01) 9104020

An tAonad um Sheirbhísí Tacaíochta Airgeadais

Samhain 2022